



UNIVERSITÄTS-
BIBLIOTHEK
PADERBORN

Waerchtighe Historie Van de Martelaers Van Gorcom

Estius, Wilhelm

Antwerpen, 1604

Capittel I. Hoe de ghevanghenen t'schepe ghegaen zijn van Gorcom.

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

Der waerachtigher
HISTORIEN

Van de
 MARTELAERS VAN GORCOM.

Het tweede boeck.

CAPITTEL I.

Hoe de ghevanghenen t'schepe ghegaen zijn
 van Gorcom.



Allende naerder comen om uyt te leg-
 ghen den uystersten strydt des lydens en-
 de de doodt der Martelaren des Heeren/
 die soo costelyck is in sijne teghen-woz-
 dighejdt / soo dunckt het my de pijn weerdte te we-
 sen te verhalen het ghene dat sy onder-weghen inde
 langhe reyse van Gorcom naer den Bziel gheleden
 hebben/aen-ghesien dat hier deur oock de booshejdt
 der vyanden / de sterckhejdt ende patientie vande
 Martelaers Christi / ende de glorie Godts in hun-
 ne strydt ende victorie grootelycks wordt verclaert.
 Nochtans en beghere ick hen-lieder vrome seften
 al-soo niet te verhalen / dat ick oock niet en soude
 veur ooghen stellen hunne cranckheden: waer in
 ick achter-volge het exempel vande H. Schryfture/
 de welke onder den lof der hepliger menschen hun-
 nen val niet en verswijght. Ende sulcks comt ons
 hier eerst-ganghs te veuren. Want al-soo de ghe-
 vanghenen van uyt t' Casteel gheleydt wierden naer
 d'water om wegh gheboert te worden naer den
 Bziel / d'welck geschiedde ten een ure naer midder-
 nacht / soo wasser een van hen wiens eyghen broe-
 der

der daer omtrent wesende hem veur d'leste adieu
 gheseght heeft. Tot wien de ghevanghen ghenoeit
 Antonius / bedroeft ende schrypende gheseght heeft:
 Lieue broeder / cont-by my nu niet helpen / soo moet
 ick steruen. Maer van dese sijne cleyn-hertigheydt
 en sal niet verwondert wesen de ghene die wel
 verstaet hoe waere saecke dat is / de verschyck-
 heydt des doodts te verwinnen / ende met eenen in-
 dachtigh is dat alle Martelaers niet euen vlytigh en
 zyn om te lyden / ende dat sy niet al-tijdt by hen en
 hebben de inwendighe vertroostinghe des heylighs
 Gheests / die hen verblijdt maect in hun lyden.
 Hoe wel dat sy dien niet teghen-staende bliuen be-
 houden sulcke vromigheydt des herten / dat sy ghe-
 praemt zijnde / oft t'gheloof te verlaeckē oft de doodt
 te steruen / verkielen lieuer t'ghelooue belydende te
 steruen / dan t'selue verlaeckende te leuen / ende te
 doen dat de Heere seght : Die sijn siele sal verlieden
 om mijnen t'wille ende om d'Euan gelium / die sal-
 se saligh maecten. Het welck dese die soo flauwelijck
 ghelproken hadde oock ghedaen heeft / ghelijck het
 eyndeken metter daedt sal goet-doen. De schip-
 per die de ghevanghenen voeren soude was een van
 Gorcom Cochus ghenoeit / in wiens schip als
 H. Lenaerd sijnen voet soude stellen / heeft hem
 ghekent / als eenen van sijne schaepkens die hy dick-
 wils metten anderen hadde gheluyt met het saligh
 voedsel van het Goddelijck woordt / ende heeft ghe-
 seght: Hem Roche / sult ghy ons naer de galghe vœ-
 ren? de welke heeft gheandt woordt: Al-soo moet
 ick nu doen. Dese en verstondt veur-waer niet wel/
 hoe dat gheenen nootd eenighen Christenen mên-
 sche en behoort te dwinghē tot den dienst des boof-
 heydts. Alldoer heeft de goede herder grootelijcks
 beginnen te claghen ende te stampjen dat hy al-dus

Marc. 8.

150 Waerachtighe Historie
diefelijck / inden midder-nacht van sijne schaepkens
ontrocken wierdt / dat-men hem niet en hadde toe-
ghelaten hunne swacke moeden te verstercken / ende
hen te vermanen tot stantachtighejdt in't ghelooue /
doock dat hy hen veur d'leste niet en moghte adieu
legghe inden Heere . Daer naer niet sonder such-
ten sijn ooghen keerende naer de stadt / deur den
geest der propheeten (ghelijck't wel te gheloouen is)
heeft hy gheseght : **Gozcom / Gozcom /** hoe vele
swarighejds naecht v noch ! Hoe dat-men dit ne-
men wilt van hem gheseght te wesen oft niet / het is
veur-waer kennelijck / dat stracks van dien tijde af /
lange iaren daer naer geduerende / de selue stadt met
ozloghe / hongherl-noodt / ende pestilentie / deerlij-
ken is ghequelt ende benaubot gheweest : ende / dat
alle quaden te bouen gaet / dat de vermaledijde ket-
terij ende stille-standt vande Catholijcke religie
deur de ghehenghenisse vande straffende rechtveer-
dighejdt Gods dese stadt bouen andere by-lijghen-
de steden al-soo leer bevanghen heeft / datter nu in
dertigh iaeren gheen daer omtrent en is gheweest
daer-men qualijcker Pziester / ende ghebryck der
hepligher Sacramenten met Catholijcke predica-
tie des Goddelijcks woordts heeft connen becomen.
Doozt-aen de ghevanghenen doen sy wegh ghes-
voert wierden waren t'samen neghen-thien in ghes-
tale / waer van de sel-thien waren Pziesters / d'an-
der drij waren lecke-broeders van der Minder-
broeders Orden . Welck ghetal hoe dattet deur het
af-vallen van sommighen is vermindert gheweest /
en naerder-handt deur de wonderlijcke veur-siech-
tighejdt Godts / die daer andere in hun plaetse heeft
gheschickt / is vol ende gheheel gebleuen totten eynde
toe / sullen wy op sijnen tijdt verhalen.